

RADIO SCRIPT FOR OCCUPATIONAL HEALTH AND SAFETY ACT 2015

1. Ko ataia ae Kiribati ea tia ni kabwaata teuana ana tua ae onoti ibukin tararuakin mauriia ao marurungia taan mwakuri ke te tua ae kinaaki n arana ae te Occupational Health and Safety Act 2015.
2. Eang! te tua aio e bon nang boureirei ao e rang katuruturuaki iai kakawakin ao tobwaakin aroia taan mwakuri ba ana aki reke nte kabuanibwai ke te kanganga inanon aia tai ni mwakuri.
3. Ao ena kanga ni kakoroaki nanon te tua anne? Eang aikai bwaai aika rang kaakawaki ba ana riai n ataia te botan-aomata, taan mwakuri ao te tia kamwakuri are bon kabaeakiia naba iaan te tua aei ba ana kakoroa nanona.
4. Taben te tia kamwakuri ae rang kakawaki iaan te tua aei bon:
 - ✚ Tararuakin ana tabo ni mwakuri ba ena safe ke e na mano nte aro ba ena aki kona n karekea te kabuanibwai ke te kaanganga nakoia taan mwakuri ao aomata ake ana kawara te tabo ni mwakuri anne.
 - ✚ Kamaunaan matan te kaanganga (hazards) nte tabo ni mwakuri
 - ✚ Karekean bwaai ni kamanomano (Personal Protective Equipment –PPEs) nakoia ana taan mwakuri n aron safety helmet, safety boots, masks, gloves etc...
 - ✚ Karekean bwaai ni mwakuri (machines) aika a mano ake ana kabonganaki irouia taan mwakuri.
 - ✚ Karaoakin te anga reirei iaon aia safety taan mwakuri
 - ✚ Katean tenaan safety notices ao instructions nte tabo ni mwakuri.
 - ✚ Karekean te safety committee ke safety officer are ena tabe ma tararuakin te safety nte tabo ni mwakuri teuana ma teuana.
5. Tabem ngkoe te tia mwakuri ae kakawaki iaan te tua aei ba kona:
 - ✚ Bon tararua maium ao maurim inanon am tai ni mwakuri.
 - ✚ Reita ni iango ma te tia kamwakuri ni kakoroa nanon are kantaningaki nte tua ae te OHS ACT 2015
 - ✚ Aki manreirei ke n takakaro n aron kabonganakin bwain mwakuri
 - ✚ Tararua naba maurin ao marurungin raom ni mwakuri ba ena aki rootaki.
 - ✚ Iri nanon safety notices/instructions ake a katekeaki nte tabo ni mwakuri.
 - ✚ Ribootini kaanganga ke kabuanibwai ake a riki inanon te tabo ni mwakuri nakon te OHS inspector ke te OHS committee/OHS rep.
 - ✚ N aki mwakuri nte tabo ni mwakuri ngkana ko kakooua ba te tabo ni mwakuri anne e aki mano ao ena karekea te kaanganga nakoim.
6. Te botaki ni mwakuri are kabaeaki ba ngaia ae na kamwakura te tua aio bon iai naba tabena ae rang kakawaki ibukin kamatoan te tua aio n aron:

- ✚ Karaoakin te tutuo nakon taabo ni mwakuri irouia ana OHS inspectors.
 - ✚ Karaoakin te kakae irouia OHS inspectors iaon kabuanibwai ake a riki nte tabo ni mwakuri.
 - ✚ Karaoakin te kamataata ke te anga reirei nakoia taan mwakuri ao taan kamwakuri iaon te safety
 - ✚ Anganaakiia taabo ni mwakuri te notice ni katamaroa ngkana a kuneaki ba aki ira nanon te tua aei.
 - ✚ Kainakin te tabo ni mwakuri are kakoauaki ba ea bon aki safe nte aro are ena kona ni karekea te kaanganga ae bubura nakoia taan mwakuri ao aomata ake a tataneiai ni kakawara te tabo ni mwakuri anne.
 - ✚ Ena ribooti nakon ana aobiti te tia kaeti tua ibukin te mwakuri ni kaburebure nakon taabo ni mwakuri ake a bon aki muuti ni karaoi tibwangaia iaan te tua aei.
7. Bon iai te tuua ae katauaki iaan te tua aei nakoia te koraki ke taabo ni mwakuri ake a bon aki kakoroa nanon te tua aei.